



Radøy kommune
Radøyvegen 1690
5936 Manger

Saksbehandlar, innvalstelefon

Tor G. Turøy, 55 57 22 22

Statleg tilskot for 2019 til ei stilling i den kommunale barnevernstenesta

Vi viser til Radøy kommune si oversending per e-post 27. mars 2019 av rekneskapoversikt og revisjonsrapport for bruken av det statlege tilskotet for 2018 til ei heil stilling i den kommunale barnevernstenesta. Dette er ei stilling som Radøy kommune oppretta med statlege midlar i 2012.

I 2018 hadde Radøy kommune til rådvelde i alt 735 438 kroner i øyremerka statleg tilskot til å finansiere vidareføring av stillinga, sjå tildelingsbrevet vårt av 15. juni 2018. I tildelingsbrevet står det blant anna at tilskotsmidlar som ikkje vert brukt i 2018 kan overførast til 2019, og at eit eventuelt tilskot i 2019 vil bli redusert med eit tilsvarande beløp.

Revisjonssjef Janne Eraker ved Nordhordland Revisjon IKS reviderte rekneskapen den 27. mars 2019. I revisjonsrapporten står det at kommunen i 2018 brukte i alt 685 778,45 kroner på løn og lønsrelaterte utgifter til den aktuelle stillinga. Fylkesmannen legg etter dette til grunn at Radøy kommune i 2018 nytta 685 779 kroner av dei statlege tilskotsmidlane på 735 438 kroner, og at 49 659 kroner er overført til 2019.

Ordninga med styrkingsmidlar til barnevernet over statsbudsjettet kapittel 854 post 60 er ført vidare i 2019. Til ei heil stilling kan ein få inntil 756 027 kroner i statstilskot. Etter fråtrekk for dei pengane som er overført til 2019 av fjorårets løyving, får Radøy kommune med dette tilsegn om **706 368 kroner** i statleg tilskot for 2019 til å finansiere ei 100 prosents stilling. Radøy kommune disponerer såleis inntil 756 027 kroner i statlege tilskotsmidlar i 2019, når vi reknar med dei pengane som er overførte frå 2018.

Tilskotet vil bli utbetalt når kommunen har sendt oss vedlagde stadfesting i underskriven stand.

Det er ein føresetnad at Radøy kommune ikkje reduserer stillingane i det kommunale barnevernet til eit lågare nivå enn 2012, som er det året kommunen fekk statleg tilskot til å opprette stillinga.

Tilskotet skal nyttast til løn og lønsrelaterte utgifter, som inkluderer overtidsgodtgjering, kompensasjon for ubekvem arbeidstid, feriepengar, arbeidsgjevaravgift, pensjonsdel og eventuelle andre sosiale utgifter. Tilskotet dekkjer ikkje overhead/administrasjonsutgifter, telefonutgifter, kontorutgifter, utgifter til kurs og opplæring, reiseutgifter, godtgjering for bruk av eigen bil og innkjøp av konsulenttenester eller rettleiingstenester.



Tilskotet skal i utgangspunktet nyttast i 2019. Tilskotsmidlar som ikkje vert brukte i år kan likevel overførast til neste år, og i tilfelle vil ei eventuell statleg løyving neste år bli tilsvarande redusert.

Radøy kommune skal sende ein enkel rekneskapsrapport for bruken av tilskotet for 2019 til Fylkesmannen i Vestland innan 1. mars 2020. Det er berre løn og lønsrelaterte utgifter som skal inngå i rapporten, og rekneskapen skal berre omfatte den stillinga som er finansiert med statleg tilskot. *Det er ikkje krav om revisoruttale for rekneskapen som gjeld tilskotet for 2019.*

I medhald av statens løyvingsreglement har Fylkesmannen og Riksrevisjonen rett til å kontrollere at tilskotet vert nytta etter føresetnadene. Kommunen må difor setje opp rekneskapen på ein slik måte at lønsutgiftene til ei heil stilling kjem fram. Dersom tilskotet ikkje vert nytta etter føresetnadene, skal pengane tilbakebetalast til statskassa.

Vi ber om at referansenummeret vårt, 2019/3648, vert påført framtidig korrespondanse som gjeld tilskotet for 2019.

Med helsing

Øystein B. Jacobsen
seksjonsleiar

Tor G. Turøy
seniorrådgjevar

Dokumentet er elektronisk godkjent



Stadfestinga kan sendast i utfylt stand til Fylkesmannen i Vestland på organisasjonsnummer: 974760665

Eventuelt per e-post til fmvlpost@fylkesmannen.no eller per brevpost til:

Fylkesmannen i Vestland
Njøsavegen 2
6863 Leikanger

Fylkesmannens referanse: 2019/3648

STADFESTING

Kommunens organisasjonsnummer:

.....

Kommunens bankkontonummer:

.....

Namn, postadresse og telefonnummer ansvarleg leiar for den barnevernstenesta, eventuelt økonomiansvarleg:

Radøy kommune har fått tilsegn om statleg tilskot på **706 368 kroner** for budsjettåret 2019 til lønsutgifter og lønsrelaterte utgifter for ei heil stilling ved barnevernstenesta. Radøy kommune stadfester med dette å ha lese og godtatt vilkåra som er sett i Fylkesmannens brev av 28. mars 2019.

.....
stad

dato

.....
ansvarleg leiar

Stadfestinga skal underteiknast av rådmannen eller den som har fullmakt frå rådmannen